


MTB-MLE

Una nga Graduhan Modyul 4 Pagpapahamtang han Kalugaringon nga Ideya





Aradman

Pagkahuman hini nga leksyon, ginlalauman nga makapagpapahamtang ka han imo kalugaringon nga ideya pinaagi hin paghimo hin poster (pananglitan: Karakter profayl, mga anunsyo, ngan nawawara nga mga gamit, gamit an mga istorya kumo lunsaran. (spring board) MT2C-Ia-i-1.4




Inadman

Direksiyon: Pagdugtunga an mga masunod nga ulohan ha rumbay A ha eksakto nga poster ha rumbay B.

Rumbay A

1.



2.



Rumbay B

c. Adlaw han Pagtapos

b. Pagselebrar han Pasko

3.



a. Husto nga Nutrisyon

4.



d. Pag-aataman han
Kalibungan

5.



e. Paghatag respeto ha
Pambansang Wika

Aradman 1

Pagpapahamtang han Kalugaringon nga Ideya

An kada usa ha aton pwede makapagpahamtang han iya ideya o opinyon ha iba iba nga pamaagi. May mga naghihimo hin kanta, siday, istorya, ngan nagdodrawing para magin madali maintindihan an mensahe nga karuyag niya ipasabot. Pero an usa pa nga mga pamaagi para maipahamtang an impormasyon nga pirmi gingagamit naton amo an paghimo han mga poster.



Panumdum

Panurundon: Basaha an parapo ngan pilia an mga ideya nga maglaladawan han mga ulohan nga aada han kahon.

Maupay umukoy ha Barangay Mapayapa. Mamingaw an kalibongan. An mga tawo nga nangungukoy dinhi mga boutan ngan diri pasaway, presko an hangin nga imo mahihinggok.

Nagkakasaragbutay an mga naukoy dinhi.
Nagbuburublig hira kon may ada mga buruhaton para
han kamingawan ngan kauswagan han ira barangay.

Barangay Mapayapa

Mga Naukoy Ha Barangay
Mapayapa



Diskubreha

Basaha an istorya ngan batona an mga pakiana.

An Bata Nga Damo An Kinaiya

Ginsurat ni: Shiela S. Fernandez

An bata nga hi Juan in napulo na katuig. Aga pa
nagmamata hiya para mabuligan niya an iya mga

kabugtuan pag-andam pagsulod ha eskwelahan. Pagmata niya nangangadi anay hiya kahuman nanhihimos na hiya han iya hinigdaan.

Sano hiya sumulod ha eskwelahan, naambi ngan nagsasarit hiya ha ira kag-anak.

Ha eskwelahan, naniniguro gud hiya han iya pag-aram.



Aktibo hiya ha oras hin klase/diskusyon ngan paghimo han mga buruhaton.

Gintatagan liwat niya hin pagkaon an iya mga klasmeyt nga waray balon. Ha kulop, durungan hira nga nangunguli han iya mga kabugtuan kay amo ito an tugon han iya nanay.

Mga Pakiana:

1. Hino ito nga bata nga may damo nga kinaiya?
2. Ano-ano an mga kinaiya nga nagpapakikilala kan Juan?
3. Ano nga kinaiya an karuyag mo subdon kan Juan?
Kay ano?

4. Paghimo hin ladawan o drowing nga nagpapakilala kan Juan.
5. Paghimo hin karakter profayl ni Juan. Igsurat an iya mga kinaiya gamit an listahan ha ubos.

An Karakter Profayl ni Juan

Una nga Kinaiya: _____

Ikaduha nga Kinaiya: _____

Ikatulo nga Kinaiya: _____

Ikaupat nga Kinaiya: _____

Ikalima nga Kinaiya: _____



Adman 'ta

Para mas maintindihan pa niyo an leksiyon, kilal-a kon ano an poster ngan karakter profayl. Paunan-o mo maipapahamtang an imo ideya gamit ini?


An **poster** igindrodrowing nga ladawan nga nagpapahamtang hin impormasyon o kalugaringon nga ideya. Kadam- an hini gingagamitan hin iba iba nga porma, kolor ngan simbolo para mas magin mahusay an paglaladawan han impormasyon ideya ngan han iya inaabat han naghimo hini.

Ang **karakter profayl**, nagpapahamtang hin mga importante nga impormasyon nga nagpapakilala hin usa nga tawo o tawohan. An mga importante nga impormasyon puydi maisurat didto an ngaran, edad, kinaiya, mga karuyag, mga libangan, ngan iba pa.

Importante nga naiintindihan nimo an mensahe han usa nga istorya, ladawan o impormasyon para maipahamtang mo an imo kalugaringon nga ideya parte hini.

Mga Kinahanglan Tigamnan Ha Paghimo hin Poster


1. Ipakita hin maupay an ngatanan nga konsepto nga nasubay han poster.
2. Himua hin klaro ngan tama an paglaladawan han konsepto.
3. Siguraduha nga ungod ngan kalugaringon nga ideya an hihimuon nga poster.
4. Himua nga magin malimpyo ngan maayos an kabug-usan.
5. Gamit hin tama nga kumbinasyon han mga kolor.



Mga Buruhaton

Buruhaton 1

Panurundon: Gamit an istorya ni Juan, paghimo hin usa nga poster. Sunda la an pattern ha ubos para han imo basaranan.



Modelo nga Eskwela

Hi Daniel gintatawag nga modelo nga eskwela. Maduruto ha pag-aram kay pirmi dagko an iya mga grado. Naglulugaring la hiya paglilimpyo han iya kalugaringon nga kuwarta pagkatapos han klase. Kada makakatapo niya an mga maestra, nag aambi hiya ngan binubuligan niya hira han pagdara han ira mga kalugaringon nga gamit. Gintatagan niya hin balon an iya mga klasmeyt nga pobre. Binubuligan liwat niya an mga klasmeyt nga kinukurian ha paghimo han ira kalugaringon nga buruhaton ha balay. Dire hiya

nakikipag-away o nakikipag-intrimisay ha ira eskwelahan. Hiya amo an usa nga ungod nga modelo.

Buruhaton 2

Panurundon: Paghimo hin poster nga nagpapakita hin pagpapasalamat ha mga maestra nga kapareho ni Miss Marita. Ipakita ha poster kun paunan-o mo hiya ginkukunsidera nga bayani.

Usa nga maestra hi Miss Marita. Bisan piraw aga pa hiya nagmamata para mag-andam pagsulod ha eskwelahan. Nagdadara hiya hin damo nga biskuwit, mga gamit ha pag-eskwela, ngan pipira nga bado para ipanhatag ha mga eskwela nga nanginginahanglan. Kon mayda nasasamaran nga mga kabataan, hiya gihapon an nagbubulong ha ira. Ginsisidngan niya an iya mga eskwela mahitungod hin pagigin usa nga maupay nga bata. Pag-uli ha balay, gintratrabaho niya an mga gamit pagtutdo nga gagamiton kinabuwasan.



Maestra Ko, Bayani Ko!

Buruhaton 3

Panurundon: Pinaagi han istorya ha ubos himu-i hin karakter profayl hi Boyet. Gamita an mga detalye nga aada sulod han kahon para han giya.

Bata pa hi Boyet

Hi Boyet in pito katuig nga bata. Kada Sabado, pirmi hiya nag-uuyag ha gawas han ira balay kaupod han iya mga kasangkayan. Maupay kumanta hi Boyet ngan dati hiya magkaskas hin gitara. Pag-uli niya ha balay, nagpapatimpla hiya hin *orange juice* ha iya nanay kay paborito niya ini. Katapos magkikita hiya hin telebisyon tubtub nga mahingaturog ngan makapahuway.

An Karakter Profayl ni Boyet

Ngaran: _____

Edad: _____ Ikinatawo: _____

Kaadlawon: _____

Mga karuyag: _____



Buruhaton 4

Panurundon: Pagpili hin usa nga ladawan nga nagpapakita hin pagigin maupay nga bata. Ipakita ini pinaagi hin poster ha kalugaringon nga ideya dida han imo napili nga ladawan.




Paghahatag



Pagbabasa



Pagrespeto



Pamamati

Buruhaton 5

Panurundon: Paghimo hin poster nga nagpapakita hin pagkakaiba han kinaiya ni Tess hadto han bata pa hiya ngan yana nga nag-aaram na. Gamita in ladawan ha ubos para han surubdan.



Nagbag-o na hi Tess

Han beybi pa hi Tess matangis gud ini hiya. Pirmi la hiya nagkikinaturug. Gatas ngan maghumok nga pagkaon la an iya ginkakaon kay amo la an iya kaya kaunon. Karuyag gud niya nga magkamang ha ira sala ngan mag-uyag. Pirmi la hiya natutumba ha kada pagpipirit niya pagbuhat ngan paglakat.

Yana in ada na ha ikaduha nga grado hi Tess. Akus na niya sumulod mag-usa ha eskwelahan. Hiya liwat an nagtitimpla han iya gin iinom nga gatas. Kaya na liwat niya kumaon hin iba iba nga klase hin pagkaon. Nakakapag-aram na hiya nga usa la han iya leksiyon. Ha kamatuuran, nakakabulig na hiya han pagtimangno han iya bugto nga beybi.

Idrowing hi Tess hadto nga hiya in bata pa ngan an mga butang nga gin bubuhat niya.	Idrowing hi Tess yana nga hiya in ada ha ikaduha nga grado na ngan an mga butang nga ginbubuhat niya.
--	--

Buruhaton 6


Panurundon: Paghimo hin kalugaringon nga poster pinaagi han istorya ha ubos.

Usa kaadlaw, naglalakat ka tipauli ha iyo ngan tigda mo nga natamakan an usa nga nakaputos nga butang. Han pag-abri mo hini, in usa nga gutiay nga bag nga may ada kuwarta ha sulod. Karuyag mo ini ig uli piro diri mo kilala an tag-iya.

Pinaagi hine nga sitwasyon, paghimo hin poster para mahibaruan mo kun hin-o an posible nga nagtatag-ada han napurot mo nga butang.

Buruhaton 7

Panurundon: Tikang ha ladawan ngan ha teksto, paghimo hin poster mahitungod hin usa nga pasabot han paglalabog han basura ha mga salog, kanal, sapa ngan salog.



An paglalabog hin basura ha mga salog ngan ha iba pa nga porma hin tubig amo an usa nga delikado nga buruhaton nga nagreresulta hin polusyon. Puydi ini magin hinungdan hin pagkamatay han mga isda nga naukoy dinhe. Ini liwat an magigin hinungdan nga mahiluan an tubig nga ginagamit han iba nga mga tawo. Labot pa hini, an mga kemikal tikang ha mga basura nga ginlabog in magsasarang ha tubig nga magigin hinungdan hin damo nga sakit. Damo an porma han tubig an naruruba ngan nahuhugawan sanglit diri napirmi pag ukoy an mga isda. Kinahanglan nga ig-undang an paglalabog han basura ha ngatanan nga porma hin tubig.



Akon Nahibaruan

Tikang ha leksiyon nga gin istoryahan, isurat an tama nga pulong ha hada bagis para makahimo hin ideya. Pili-a an pulong ha sulod han kahon.

An _____ in usa nga igindrowing na _____ nga nagpapadayag hin impormasyon o kautukon.

An paghimo hin poster usa nga epektibo nga desisyon nga pamaagi nga pagpapahamtang han kalugaringon _____.

An _____ amo an pagiistorya han mga importante nga _____ nagpapakilala ha usa nga tawo o tawohan.

Ideya	impormasyon
poster	paglarang
karakter profayl	ladawan



Akon Mabubuhat

Panurundon: Paghimo hin poster nga nagpapakita han mga pamaagi para mapugngan an baha. Kolori ini.

An barangay nira Onyok padayon nga ginbabaha bisan mahinay la nga uran. Pirmi hira apektado ngan kinukurian hira pagsulod ha eskuwela ngan kinahanglan nira igbaw an ira mga garamiton. Nagtikang la ini hadto han pangutdon an mga kakahuyan ha ira barangay para ayuson an mga kalsada. Usa kaadlaw, nakita nira nga punu-punuan hin mga plastik ngan iba pa nga basura an ira kanal asya nga diri nakakaagi an tubig dinhe. Nahunahunaan ni Onyok nga tikang nga nawara an mga kakahuyan nga naghihigop han tubig uran amo an nagin hinungdan han pagbaha han mga barado nira nga kanal.



Pagsukol han Nahibaruan

Panurundon: Paghimo hin kalugaringon poster mahitungod hin mensahe dara hadi nga istorya ha imo papel. Kolori ini.

Usa nga anak hin doktor ngan sundalo hi Mark. An iya tatay an nagbabantay ha mga “checkpoint” bug-os nga adlaw. An iya naman nanay nagbubulong ha mga tawo nga may sakit. An mga kag-anak niya diri nakakauli ha ira panimalay tungod nga hira nagseserbisyo kumo mga “frontliners”. Pirmi ginkukumusta ni Mark an iya mga kag-anak tungod diri niya mailob nga mabaraka han ira mga panlawas. Igindadasig ni Mark an iya mga kag-anak tungod nga kaupod hira nga nakikigbisog han Covid-19.



Kadungangan nga Buruhaton

Panurundon: Pagpili hin usa nga ulohan tikang ha mga kahon ha ubos. Paghimo hin poster han imo napili nga ulohan ngan kolori.

Higugma-a ngan Mangnui an mga Kakahuyan

Pagresikulo ngan Paglalain han mga Basura

Paglikay han Bullying



Mga Baton

Inadman	1. a	Panumdum	Mga Buruhaton	Buruhaton 1	Kitaa ngan itama an ginhimo nga poster.				Basilan	Mahusay 5 puntos	Kainaman 4 puntos	Sakto lang 3 puntos	Kitaro nga naipahamtang an kalugaringon nga ideya paghimo poster	Napakita an pagigin ma ideya	
	2. a														
	3. b														
	4. c														
5. e															
Diskubreha	5. An	Diskubreha	Mga Buruhaton	Buruhaton 2	Buruhaton 3	Buruhaton 4	Depende ha baton han bata karakter profayl.					Buruhaton 8	Kitaa ngan itama an ginhimo nga poster.	Pagsukol han Nahibaruan	Kitaa ngan itama an ginhimo nga poster.
	1. Hi Juan						1. Hi Juan 2. Mabinuligon, makadiyos, respitado, Masugot ngan mahatagon Buotan nga bata, Disipilnado (Pwede iba-iba an baton base sa kalugaringon nga ideya han bata .	Buruhaton 7	Buruhaton 6	Buruhaton 5	Akon Mabubuhat	Kitaa ngan itama an ginhimo nga poster.	Akon Nabaruan	ladawan ideya karakter profayl informasyon.	
	2. Mabinuligon, makadiyos, respitado, Masugot ngan mahatagon														
	3. Buotan nga mahatagon Masugot ngan														
4. (Pwede iba-iba an baton base sa kalugaringon nga ideya han bata .	4. (Pwede iba-iba an baton base sa kalugaringon nga ideya han bata .	4. (Pwede iba-iba an baton base sa kalugaringon nga ideya han bata .	4. (Pwede iba-iba an baton base sa kalugaringon nga ideya han bata .	4. (Pwede iba-iba an baton base sa kalugaringon nga ideya han bata .	4. (Pwede iba-iba an baton base sa kalugaringon nga ideya han bata .	4. (Pwede iba-iba an baton base sa kalugaringon nga ideya han bata .	4. (Pwede iba-iba an baton base sa kalugaringon nga ideya han bata .	4. (Pwede iba-iba an baton base sa kalugaringon nga ideya han bata .	4. (Pwede iba-iba an baton base sa kalugaringon nga ideya han bata .	4. (Pwede iba-iba an baton base sa kalugaringon nga ideya han bata .	4. (Pwede iba-iba an baton base sa kalugaringon nga ideya han bata .	4. (Pwede iba-iba an baton base sa kalugaringon nga ideya han bata .	4. (Pwede iba-iba an baton base sa kalugaringon nga ideya han bata .	4. (Pwede iba-iba an baton base sa kalugaringon nga ideya han bata .	